



Universitätsbibliothek Paderborn

**Theologia Moralis Universa, Complectens Omnia Morum
Præcepta, Et Principia Decisionis Omnium Conscientiæ
Casuum, Suis Quæque Momentis Stabilita**

Ad usum Parochorum, & Confessariorum

Continens Tractatus De Obligationibus Specialibus Certorum Statuum, De
Sacramentis In Genere, Et In Specie, Et De Censuris Et Irregularitatibus

Antoine, Paul-Gabriel

Ingolstadii, MDXXXIV.

VD18 90392167

§. I. De Judice.

urn:nbn:de:hbz:466:1-41032

§. I.

De Judice.

Q. I. **A**d quid tenetur *Judex*, ut recte *ju-*
dicet?

Resp. I. *Judex* (idem dic de *Advocato*, *Me-*
dico, &c.) tenetur ex *justitia* habere *scientiam*
sufficientem ad munus suum rectè obeun-
dum: nam tenetur ex *justitia* rectè *judicare*.
Diligite justitiam, qui judicatis terram, Sap. 1.
Ergo tenetur etiam ad ea quæ ad rectum *judi-*
cium requiruntur, qualis est *scientia legum*,
consuetudinum, &c. debet etiam habere con-
stantiam ac virtutem ad hoc munus necessari-
am: alioqui se exponit periculo *injustè judi-*
candi. *Noli querere fieri judex, nisi valeas vir-*
tute irrumperem iniquitates: ne forte extimescas
faciem potentis, Et ponas scandalum inæquitate
tua. Eccli. 7.

Hinc 1. petens aut suscipiens officium Ju-
dicis sine sufficienti scientia & idoneitate, pec-
cat mortaliter: nam voluntariè exponit se pe-
riculo malè *judicandi*, cum danno aliorum.
2. *Judex* debitâ scientiâ carens absolvit non de-
bet, nisi se officio abdicet, vel nisi brevitem-
pore. Scientiam sufficientem acquirere pos-
sit & conetur: nam nulli licet officium, cuius
munia obire nequit, suscipere vel retinere,
præsertim cum danno vel periculo proximi.
3. Si *judex* ex imperitia magna malè *judicet*,

quamvis putet se rectè judicare, tenetur compensare totum damnum inde litigantibus obveniens, sive in substantia litis, sive in supervaccaneis impensis: nam est causa injusta talis damni, quod est ei voluntarium saltem indirec[t]è, nempe in ignorantia culpabili, ex c. ult. de injur, ibi: *Sic culpa tuâ datum est damnum, vel injuria irrogata, aut hæc imperitiâ tuâ sive negligentiâ evenerunt, jure super his satisfacere te oportet: nec ignorantia te excusat, si scire debuisti ex facto tuo injuriam verisimiliter posse contingere vel iacturam.*

Resp. II. Ex communi. Ut judex rectè judicet, præter scientiam, debet 1. Habere jurisdictionem & auctoritatem in personas judicandas, & in causam: alioqui injuriam facit cum partibus, causæ illarum se ingerendo; cum legitimo Judici, ejus potestatem & officium usurpando: quæ usurpatio judicij ex communi æstimatione hominum est injuria gravis ex genere suo, cum per illam violetur & jus privatorum & auctoritas publica. Imo ejus sententia est irrita, cùm careat potestate ad judicandum necessaria, cap. 4. de Judic. & cap. 4. de Pœnit.

Porro quatuor modis potest quis habere potestatem judicandi aliquem. 1. Ratione potestatis ordinariæ vel delegatae. 2. Ex consensu partium, ut cùm partes ex compromisso se alicui subjiciunt ut Judici, vel ut arbitro. 3. Ratione delicti in suo territorio patrati. 4. Ratione

Ratione rei de quâ contra possessorem causa
moveritur, ex c. ult. *de Foro compet.*

2. Tenetur judex habere certitudinem sal-
tem moralem in cognitione causæ alioqui
imprudenter judicaret; & teneretur ad restitu-
tionem, si ex negligentia cognoscendi male
judicaret, ex c. ult. *de Injur. cit.*

3. Tenetur judicare secundum leges, tum
quoad modum procedendi, ordinem & for-
matum judicii, tum quoad sententiam ferendam
& exequendam, ex c. 1. *de Constit.* & ex S. Am-
bros. in Psal. 118. Serm. 20. *Bonus judex nihil*
ex arbitrio suo facit, sed juxta leges & jura pro-
nuntiat, scitis juris obtemperat, non indulget pro-
priæ voluntati: sicut audit, ita judicat: & sicut
se habet negotii natura, decernit. Obsequitur le-
gibus, non adversatur: examinat causæ merita,
non mutat, & ex Instit. de Officio judic. ibi: ne
aliter judicet quam quod legibus, aut constitutio-
nibus, aut moribus proditum est. Nam ad hoc
constitutus est à Rep. vel Principe. Quare
non potest quemquam condemnare inaudi-
tum & sine testibus. Clement. II. de sentent. &
re judic. nec uti potest scientia injustè & contra
juris ordinem parta, alioquin injuriam conti-
nuaret & augeret. Item nec potest secundum
*omnes condemnare eum, quem privatâ scienc-
iâ scit esse nocentem, si juridicè non sit pro-
batus reus. Quia non habet potestatem judi-*
candi nisi ut persona publica: ergo non po-
test judicare, nisi secundum scientiam publi-

eam, quæ habetur per testes, legitimaque instrumenta & acta.

4. Quando jus non est clarum, tenetur ferre sententiam secundum opinionem certam probabiliorem in questione tum juris tum facti: nam officium judicis est judicare secundum merita causæ, & sententiam quæ, inspectis allegationibus & probationibus, æquitati & juri conformior est: alioqui esset locus acceptio personarum, contra scripturam & regul. 12. jur. in 6. *In judiciis non est acceptio personarum habenda.* Hinc Innoc. XI. damnavit hanc propos. *Probabiliter judico judicem posse judicare juxta opinionem minus probabilem.* Quare judex non potest ferre sententiam secundum judicium aliorum, si post diligentem & sinciram veritatis inquisitionem certus sit de maiore probabilitate suæ opinionis: nam tunc certus est de obligatione secundum illam judicandi. *Nec in judicio, plurimorum acquiesces sententiæ, ut à vero devies.* Exod. 23. Quod si opiniones sint æquè probabiles, & nullus ex litigantibus rem possideat, debet rem inter partes ex æquo dividere, vel ejus pretium, si dividi nequeat: nam judex non est Dominus rei, sed tenetur suum cuique jus tribuere secundum merita causæ: ergo cum uterque æquale jus habeat, debet res æqualiter eis distribui; aliás esset acceptio personarum. Hinc Alex. VII. damnavit hanc propos. *Quando litigantes habent pro se opiniones æquè probabiles,* potest

*poteſt judeſx pecuniam accipere pro ferenda ſen-
tentia in favorem unius præ alio.*

Idem dic de quæſtione facti, judeſx enim te-
netur cauſam adjudicare parti pro ſe habenti
teſtimonia vel instrumenta, aliave argumenta
probabiliora, cum ius probabilius reddant L.
21. ff. *de teflib.* quod si hæ probationes facti
ſint æquales, æquale ius fundant: ideoque æ-
qualiter res eſt inter eos dividenda, ſi nemo
eam poſſideat; alioqui poſſeffori adjudican-
da, cum in dubio & pari cauſa melior ſit con-
ditio poſſidentis. In cauſis verò criminalibus
ſi utrimque appareat æqualis probabilitas, de-
bet reo favere, ex Reg. 11. jur. in 6. Alioqui
ſe exponeret periculo damnandi innocentem.

5. Tenetur lites celeriter expedire, cap. 2.
de ſent. & re judic. ibi: *Jurgantium controver-
fias celeri ſententiâ terminare, & æquitati con-
venit rigor.* Nam partes habent ius, ut non
ſine iusta cauſa differatur iudicium. Quare
tenetur parti lœſæ damaſ & impensas, quæ ex
iniquâ dilatione ſequuntur, compenſare.

6. Debet habere reſtam intentionem, ſcili-
cet iuſtitiæ, ita ut nihil agat ex odio, invidia,
aliove pravo fine: nam actio licet ex objecto
bona, participat malitiā finis.

Ex dictis collige judecēm, qui in cognō-
ſcenda vel decidenda cauſa negligens, aut ini-
quus fuit, peccare mortaliter contra iuſtitiam,
& teneri ad refacienda parti lœſæ omnia da-
mna, cum fuerit eorum cauſa iuſta.

Q. 2.

Q. 2. *An judex potest capite condemnare eum, quem certò novit innocentem, si per testes legitime probetur reus?*

Resp. I. In tali casu, ex communi, judex tenetur omnes vias inire, quibus possit eum liberare, ut impediendo accusationem, extra hendo judicium, remittendo causam ad Superiorum, & apud eum assumendo officium testis. &c. Quod si his mediis non possit eum liberare, juxta multos non ei licet talem morte damnare, sed debet jurare se certò cognoscere ejus innocentiam, & potius officium dimittere & quælibet pati: quia directè innocentem occideret, & quidem ut causa principalis mandando ut occidatur, quod est intrinsecè malum, & contra illud Exod. 23. *Insontem ergo iustum non occides, quia aversor impium.* Enim verò intrinsecè malum est adimere alicui vitam sine auctoritate: at judex nullam habet auctoritatem in vitam innocentis, cum haec solius Dei dominio subjecta sit; nec resp. ipsa potest verum innocentem directè occidere, sicut potest directè bonis temporalibus spoliare, ob justam causam ad bonum commune pertinenter, quia habet dominium altum in bona subditorum, non autem in eorum vitam.

Idem dic de mutilatione: quia respub. non potest hanc poenam innocentii inferre, non enim habet dominium vitae & corporis suorum subditorum. Quare nec minister justitiae potest executioni mandare sententiam mortis

mortis vel mutilationis, quam certò scit esse iniquam: sicut enim per se malum est **jubere** occidi innocentem, ita & hæc jussa exequi.

Resp. II. In causis civilibus, & in iis in quibus agitur solum de pœnis pecuniariis, ex communi judex potest judicare secundum allegata & probata: quia resp. habet dominium altum bonorum privatorum, vi cuius potest de illis disponere; quando bonum publicum id requirit, ut in hoc casu; ne cum populi scandalo forma seu ordo judiciorum publicorum evertatur ac impediatur; cuius quidem observatio necessaria est ad pacem & quietem reip. quippe inqui judices possent impunè contra allegata & probata, prætextu scientiaz privatæ, jus recusare iis quibus vellent. Deinde nemo civium meritò potest à grè ferre aut queri sibi injuriam esse factam à judice per talem sententiam; cum videat se ab illo juvari non posse, neque par esse ut judex potius officium deserat quam sententiam ferat. Denique innocens potest hæc bona postea recuperare. Tenetur tamen judex in hoc casu priùs omni industriâ curare, ut falsitas detegatur, vel ut processus impediatur.

Q. 3. *An peccat & tenetur ad restitutionem Judex, qui reum condemnat ex cognitione in justè extorta?*

Resp. Aff. Ita Covar. Sot. Gomez, Lessius, Sanchez, De Lugo & alii. Quia injuriam quam fecit,

fecit, notitiam injustè extorquendo, continuat hāc utendo, & dat injustè causam damni quod ex illa sequitur. Præterea confessio injustè extorta est injusta, & sic nullum dat Jus; nec ex ea procedi potest, cum injustum sit medio injusto uti.

Confessio autem criminis injustè extorquetur. 1. Si Judex reum interrogat, nulla præcedente infamia, vel semi-probatione, aut sine indicis competentibus. 2. Si tormentis vel eorum metu elicuit Confessionem sine indicis sufficientibus ad torquendum. Nec refert quod Confessio fuerit postridie ratificata, quia cum fuerit irrita, nulla est ratificatio ex ea orta. 3. Si persona non poterat torqueri ob ætatem, vel infirmitatem, vel privilegium ac dignitatem. 4. Si dolo v. g. promissione impunitatis inductus est reus ad confitendum, nam tunc ei facta est injuria.

Q. 4. An licet Judici munera à partibus accipere?

Resp. I. Non licet Judici quidquam accipere pro ferenda sententia sive justa sive injusta. Non pro justa, quia ex Justitia eam debet, & sic venderet quod suum non est, sed quod alteri debitum est; & acciperet contra Jus, quod alter habet ut Jus suum obtineat sine suo sumptu. Ideoque sic accepta restituere tenetur, cum nullum habeat titulum retinendi, non enim hæc liberaliter & omnino voluntariè donantur, sed ad vexationem injustam redimendam.

dam. Nèque pro iusta, ut patet: nam (ut ait S. August. Epist. § 4.) *Cum iudicia & testimonia, quæ nec iusta, & vera vendenda sunt, iniqua & falsa venduntur, multò sceleratiùs utique pecunia sumitur, quia sceleratè etiam quamvis à volentibus datur.* Et sic accepta restituere tenetur, quia accipiendo iustè agit contra officium; & Clerus Gallican. an. 1700. oppositum damnavit. Spectato autem solo Jure naturali, & ante omnem sententiam restitutio fieri debet ei qui dedit, juxta illud, S. August. Epist. cit. *Recipe quod mihi, dum tibi male ad-essēm, dedisti.*

Resp. II. Neque licet Judici munera libera-
lia, & sponte ac sine ullo onere oblata, à parti-
bus accipere: quia id prohibetur Jure com-
muni humano. Laicis, l. 18. ff. de Offic. Præ-
sid. & l. 6. ff. de Offic. Procons. & Authent. Ut
judices sine quoquo suffragio. Ecclesiasticis verò,
cap. 10. de vita & honest. & cap. 11. de rescript.
in 6. Imò, ut docet De Lugo, etiam Jure na-
turali, si munus sit magni momenti, tum ob
scandalum, tum ob periculum morale pver-
tendi Justitiam, quod quisque vitare tenetur:
nam moraliter loquendo fieri non potest, ut
ob donum illud non propendeat in favorem
donantis: idque judicari debet à communiter
contingentibus. Hinc illud Deut. 16. *Non ac-
cipes personam, nec munera: quia munera excae-
cant oculos sapientum, & mutant verba justorum.*
& Eccli 20. *dona excaecant oculos judicum.* Ad-
de

de quòd dans, sèpe non det omnino sponte ac liberaliter, sed quia timet ne Judex alioqui plus faveat parti adversæ, aut moras trahat, sic que dat pro actu ex Justitia debito. Cum autem dissentiant Doctores circa obligationem restituendi ante omnem sententiam munera sponte ac liberaliter, nec ad vexationem injustum redimendam donata; Confessor debet semper judicem obligare ad talem restitutio- nem: tum quia fortè ad eam jam tenetur ex conscientia: tum quia tali pœna dignus est, & per eam avocandus est à relapsu.

Not. Sunt qui excipiunt leviora munuscula, in quibus corruptionis periculum abest, quæ ex urbanitate offeruntur, nec nisi quasi inurbanè recipiuntur: quia cessat ratio prohibitionis: &c. 18. ff. de Offic. Præsid. &c. 11. de Rescript. in 6. Judex delegatus potest recipere esculentum vel poculentum merâ liberalitate oblatum, quod paucis consumi possit diebus. Sed multi docent: Judices sæculares nihil omnino posse à partibus recipere, eo quòd leges digest, correctæ sint per Jus authenticorum, quo prohibetur judicibus universaliter munera accipere. *luth.* ut judices sine quoquo suffragio.

Q. 5. Quid Judici servandum circa Inquisitionem?

Not. Triplex est inquisitio. 1. Generalis, quando in genere quæritur an leges serventur. 2. Specialis, cum de certa persona & certo crimine

DE OBLIGATIONIBUS. 44

erimine inquiritur. 3. Mixta, cum inquiritur generatim de persona, & specialiter de crimen vel econtra.

Resp. I. Judex & Magistratus nullâ datâ occasione ex suo officio potest ac debet facere inquisitionem generalem, ex c. i. de Offic. *Judic.* quia ex officio tenetur prospicere bona communi, occasionses criminum tollendo, crima puniendo in aliorum exemplum, & aliunde nemini fit injuria.

Resp. II. Quando crimen est publicum, sed auctor ignoratur, Judex debet querere in gente quis patravit; nam id exigit bonum publicum: alioqui scelesti homines, spè imputantis invalescerent, & crima multiplicarentur.

Resp. III. Non licet Judici contra aliquem facere inquisitionem specialem tendentem ad punitionem, nisi præcesserit infamia, vel semiprobatio, vel aliquid quod justam det causam, ex cap. 21. & 23. de *Accusat.* & est commun. nam per illam inquisitionem quis suspectus & infamis redderetur.

Q. 6. Quænam requiruntur ad subjiciendum torturæ Reum?

Resp. I. Ex communī, illæ torturæ sunt in-justæ, quas sustinere est Reo moraliter loquendo impossibile, spectatis viribus & comple-xione. Unde non potest Judex ex confessio-ne sic extorta procedere. Peccat etiam gra-viter, si non prius alias omnes mitiores de-Zom. III. K tegent-

tegenda veritatis vias tentet, quam tortura subjiciat; cum hoc sit postremum medium in defectum aliorum, damnosum & valde periculosum.

Resp. II. Ad torquendum reum, qui jure non prohibetur torqueri, ex communi requiruntur probationes vel indicia de commisso gravi crimen, digno poenâ mortis, tali medio & cruciatui congruentia; ita ut sola confessio rei ad plenam probationem deesse videatur: nam tortura instituta est ad subsidium probationis, cum argumenta & indicia sunt valde magna, necdum tamen sufficientia, ut sic plena probatio eliciatur. Porrò prohibentur torqueri, nisi in criminibus exceptis, viri illustres, vel in magna dignitate constituti, Doctores, milites, senes, impuberes, prægnantes & nondum confirmatae a partu.

Resp. III. Semel tortus, si nihil est confessus, non potest iterum torqueri, nisi nova criminis indicia superveniant, quia per torturam priora elicit. Si verò crimen in tortura fassus, extra eam revocet coram judice, repetitur tortura: quia per tales revocationes indicia non sunt elisa, & alioqui tortura semper esset inutilis. Si verò tertio tortus ac confessus, tertio retractet, absolvendus est: quia præsumendum est vi tormentorum coactam fuisse confessionem falsam. Excipiunt aliqui, nisi indicia sint gravissima, quæ violentam præsumptionem pariant crimen malitiosè à reo negari.

Q. 7

Q. 7. An sententia Iudicis obligat in conscientia?

Resp. I. Sententia justa semper per se obligat in conscientia. Est communis. quia est præceptum legitimum Superioris, & usus potestatis legitimæ, cui qui resistunt Dei ordinationi resistunt, & sic ipsi sibi damnationem acquirunt.

¶ Resp. II. Secundum communem, sententia certò injusta per se non obligat. 1. Si constet nisi falsa præsumptione, aut falsis probationibus, quamvis lata sit secundum allegata & probata: quia nulla est, cum nitatur falso fundamento, ideóque nullo: neque enim Judex habet potestatem disponendi de juribus & bonis aliorum, sed solùm reddendi unicuique Jus suum, & declarandi quid cuique debitum sit. Nec bonum commune exigit, ut privati amittant reipsâ Jus suum per sententiam injustam. Deinde cum sententia sit actus Justitiæ, cuius est suum cuique tribuere ad æqualitatem; non valet, nec obligat si veritati & Justitiæ non conformetur. 2. Si sit injusta ex omissione debiti ordinis Juris quoad essentialia & formæ judicialis: quia Judex non habet potestatem rendi sententiam, nisi servato juris ordine.

Hinc qui per iniquam sententiam, quam sciebat esse injustam, accepit bona alterius, tenetur semper ea restituere, nec unquam præscribere potest: quia sunt aliena, & possessio formalæ fidei nunquam præscribit: imò tenetur impensas & damna compensare. Qui verò bonâ fide aliquid accepit, per sententiam

K 2 inju-

injustam, quam putabat justam, si ante tempus præscriptioni requisitum, cognoscatur fuisse injustam, restituere tenetur accepta, non tamen impensas nec fructus bona fide consumptos, saltem si iis non sit factus ditior. Quod si ea possedit bonâ fide toto tempore ad præscribendum sufficienti, non tenetur restituere, quia legitimè præscripsit.

Sententia tamen injusta servanda est, quantum requiritur ad vitandum scandalum, perturbationem, & incommoda graviora. Nec licet per vim se defendere contra judicem & ejus Ministros, cum servatus est juris ordo: quia Judex habet Jus exequendi sententiam, quam servato juris ordine tulit. Imo nec id licet in praxi, si non servatus sit, quando inde perturbatio vel scandalum secuturum est, ut plerumque fit.

Q. 8. Ad quid tenetur judex circa pœnæ impositionem?

Resp. Ex communi, si lex pœnam imponit, tenetur Judex factâ sufficienti probatione crimen declarare, & pœnæ per legem impositæ executionem procurare: si verò lex minetur tantum pœnam, tenetur Judex eam impone-re, & executioni incumbere: nam Judex est minister & executor Justitiæ à Principe vel rep. constitutus, ad curandum ut serventur leges, & puniantur crimina; unde ex officio ei incumbit custodia & executio legum & punitio

nitio criminum. Quare non potest remittere pœnam lege statutam, nisi in casibus jure expressis aut consuetudine receptis; nam inferior non potest dispensare in lege Superioris. Deinde est contra bonum commune, quod delicta maneant impunita, aut non satis punita; nam est moralis occasio ut multiplicentur. Imo ipsi supremo Principi non licet condonare crimina, nisi aliquando ex justa causa: alioqui occasionem præberet patrandi crimina, & iis cooperaretur, cum maxima peccandi illecebra sit impunitas, sicque magnum reip. damnum inferret. Judex vero nequidem potest minuere pœnam, etiamsi actor consentiat, nisi quando delinquentis ætas, infirmitas, vel modus delinquendi gravitatem criminis minuens, aut justa aliqua ratio id postulat, vel id ad bonum commune dictat epichia. Item non ei licet, saltem ordinariè, augere pœnam lege statutam; alioqui injuriam inferret reo, à quo majorem pœnam exigeret, quam ex lege deberet: nam lex pœnam statuens eo ipso Judicis potestatem restrinxit ne graviorem imponeret. Aliquando tamen potest augere pœnam propter extraordinarias circumstan-
tias, quæ crimen multùm aggravent, ut si crudelissimo genere mortis patratum, suisset homicidium, &c. Quia lex statuens pœnam, loquitur de delictis ordinariis, seu ordinario modo patratis, nec excludit judicis providen-

tiam, quantum ad bonum commune, & aliorum exemplum necessaria est.

§. II.

De Accusatore.

Nota. Accusator & Denuntiator inter se differunt. Nam accusare est deferre crimen judici ad vindictam ob bonum commune, cum obligatione crimen probandi: denuntiare vero est deferre crimen præcipue ad emendationem Rei, vel ob bonum commune sine obligatione illud probandi.

Q. I. *An ergo quis tenetur accusare vel denuntiare?*

Resp. Ex communi, qui ad hoc deputati sunt, vel stipendum accipiunt à rep. ut Fiscalis & Custodes ac vigiles tenentur ex Justitia deferre crimen, ac proinde ad damna ex omissione delationis secuta. Item Custodes agrorum, nemorum, &c. saltem quantum necesse est ad vitandum damnum Domini, vel illatum refaciendum: nam ad id tenentur ex officio; & contractus seu quasi contractus intercedit inter eos & remp. seu communitatem ut ad id teneantur. Alii vero privati accusare seu potius denuntiare tenentur, etiam citra superioris præceptum, quando crimen est noxium reip. & adhuc pendet in futurum, vel continuandum putatur, ut hæresis, proditio, falsæ monetæ